

An Bhruiséil, 8 Iúil 2026
(OR. en)

11644/26

EF 204
ECOFIN 979
DELECT 106

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	6 Iúil 2026
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	C(2026) 4640 final
Ábhar:	RIALACHÁN TARMLIGTHE (AE) .../... ÓN gCOIMISIÚN an 6.7.2026 lena leasaítear na caighdeáin theicniúla rialála a leagtar síos i Rialachán Tarmligthe (AE) 2018/1229 ón gCoimisiún an 25 Bealtaine 2018 lena bhforlíontar Rialachán (AE) Uimh. 909/2014 ó Pharlaimint na hEorpa agus ón gComhairle a mhéid a bhaineann le caighdeáin theicniúla rialála maidir le haraíonacht socraíochta

Gheobhaidh na toscaireachtaí i gceangal leis seo doiciméad C(2026) 4640 final.

Faoi iamh: C(2026) 4640 final



AN COIMISIÚN
EORPACH

An Bhruiséil, 6.7.2026
C(2026) 4640 final

RIALACHÁN TARMLIGTHE (AE) .../... ÓN gCOIMISIÚN

an 6.7.2026

lena leasaítear na caighdeáin theicniúla rialála a leagtar síos i Rialachán Tarmligthe (AE) 2018/1229 ón gCoimisiún an 25 Bealtaine 2018 lena bhforlíontar Rialachán (AE) Uimh. 909/2014 ó Pharlaimint na hEorpa agus ón gComhairle a mhéid a bhaineann le caighdeáin theicniúla rialála maidir le haraíonacht socraíochta

(Téacs atá ábhartha maidir le LEE)

MEABHRÁN MÍNIÚCHÁIN

1. COMHTHÉACS AN GHNÍMH THARMLIGTHE

Le Rialachán (AE) Uimh. 909/2014 ('RTLÚ')¹ comhchuíbhítear an chaoi a ndéantar socraíocht urrús san Aontas mar aon leis na rialacha lena rialaítear taisclanna lárnacha urrús (TLUnna). Ceann de chuspóirí RTLÚ is ea ardleibhéal éifeachtúlachta socraíochta idirbheart urrús a dhreasú. Le Caibidil III de RTLÚ ('Smacht socraíochta') tugtar isteach bearta chun teipeanna socraíochta a chosc agus chun aghaidh a thabhairt orthu agus chun rannpháirtithe sa mhargadh a spreagadh chun idirbhearta a shocrú ar an dáta socraíochta atá beartaithe. Tá na bearta sin, dá ngairtear an córas araíonachta socraíochta de ghnáth, rithábhachtach chun cobhsaíocht airgeadais, iomaíochas mhargadh caipitil an Aontais agus a tharraingteacht do choigilteoirí agus d'infheisteoirí araon a áirithiú. Córas araíonachta socraíochta atá éifeachtach, éifeachtúil agus comhréireach, is rud é sin atá i gcomhréir le cuspóirí an Aontais Coigiltis agus Infheistíochta², arb é is aidhm dó feabhas a chur ar an gcaoi a ndíríonn córas airgeadais an Aontais coigiltas ar infheistíocht tháirgiúil, rud a chuirfidh rogha níos leithne deiseanna infheistíochta agus maoiniúcháin éifeachtúil ar fáil do shaoránaigh agus do ghnólachtaí.

Leis an gcóras araíonachta socraíochta, comhcheanglaítear bearta chun teipeanna socraíochta a chosc (Airteagal 6 de RTLÚ) agus chun aghaidh a thabhairt orthu (Airteagail 7 agus 7a de RTLÚ). Leagtar amach mionsonraí teicniúla an chórais araíonachta socraíochta sa reachtaíocht thánaisteach, go háirithe i Rialachán Tarmligthe (AE) 2018/1229 ón gCoimisiún³.

Le Rialachán (AE) 2023/2845⁴ ('RTLÚ REFIT'), a tháinig i bhfeidhm an 16 Eanáir 2024, leasaíodh Airteagal 6(5) agus Airteagal 7(10) de RTLÚ trí dhá shainordú a thabhairt isteach don Údarás Eorpach um Urrúis agus Margaí (ÚEUM) chun dréachtchaighdeáin theicniúla rialála (CTR) a fhorbairt, i ndlúthchomhar le comhaltaí den Chóras Eorpach Banc Ceannais (CEBC). Go sonrach, le hAirteagal 6(5) de RTLÚ ceanglaítear ar ÚEUM na bearta a shonrú lena gcoiscfear teipeanna socraíochta chun éifeachtúlacht socraíochta a fheabhsú, agus le hAirteagal 7(10) de RTLÚ iarrtar ar ÚEUM, sonrú a dhéanamh, *inter alia*, ar mhionsonraí an chórais lena ndéantar faireachán ar theipeanna socraíochta.

Chinn an tAontas le déanaí freisin an timthriall socraíochta le haghaidh idirbhearta urrús a ghiorrú go dtí lá amháin tar éis dháta na trádála (ar a dtugtar T+1); beidh feidhm ag an leasú comhfhreagrach ar RTLÚ ón 11 Deireadh Fómhair 2027⁵. Tá nasc láidir idir na leasuithe is gá chun an t-aistriú chuig socraíocht T+1 a chumasú agus feabhsuithe ar éifeachtúlacht socraíochta. Chun timthriallta socraíochta is tapúla a chur chun feidhme, is gá éifeachtúlacht níos fearr a bheith ann chun próisis iarthrádála a fhorghníomhú laistigh d'achar ama is giorra.

¹ Rialachán (AE) Uimh. 909/2014 ó Pharlaimint na hEorpa agus ón gComhairle an 23 Iúil 2014 maidir le socraíocht urrús san Aontas Eorpach a fheabhsú agus maidir le taisclanna lárnacha urrús agus lena leasaítear Treoir 98/26/CE agus Treoir 2014/65/AE agus Rialachán (AE) Uimh. 236/2012 (IO L 257, 28.8.2014, lch. 1).

² 'Aontas Coigiltis agus Infheistíochta – Straitéis chun rachmas agus iomaíochas eacnamaíoch na saoránach a chothú san Aontas Eorpach', COM(2025) 124 final.

³ Rialachán Tarmligthe (AE) 2018/1229 ón gCoimisiún a mhéid a bhaineann le caighdeáin theicniúla rialála maidir le haraíonacht socraíochta.

⁴ Rialachán (AE) 2023/2845 lena leasaítear Rialachán (AE) Uimh. 909/2014 a mhéid a bhaineann le haraíonacht socraíochta, soláthar trasteorann seirbhísí, comhar maoirseachta, soláthar seirbhísí coimhdeacha de chineál baincéireachta agus ceanglais maidir le taisclanna lárnacha urrús tríú tír

⁵ Rialachán (AE) 2025/2075 lena leasaítear Rialachán (AE) Uimh. 909/2014 a mhéid a bhaineann le timthriall socraíochta níos giorra san Aontas.

Áitíonn páirtithe leasmhara⁶ go bhféadfadh aistriú ón tsocraíocht T+2 atá ann faoi láthair go socraíocht T+1 an t-aga próiseála iarthrádála atá ar fáil a laghdú go 2 phríomhuair an chloig gnó idir deireadh na hidirthréimhse trádála agus tús na hidirthréimhse socraíochta. Dá bhrí sin, chun an timthriall socraíochta a ghiorrú, is gá coigeartuithe a dhéanamh le linn an phróisis iarthrádála trí choinbhinsiún mhargaidh a chaighdeánú agus trí phróisis a uathoibriú. Leis sin, beifear in ann idirbhearta a shocrú faoi T+1 agus pionóis airgid as idirbhearta ar theip orthu a sheachaint.

Ina thuarascáil⁷ maidir leis na buntáistí agus na míbhuntáistí a bhaineann le haistriú den sórt sin, leag ÚEUM amach roinnt coigeartuithe is gá⁸ chun socraíocht T+1 a chumasú. Ar an gcaoi chéanna, rinne Coiste Tionscail T+1, an comhlacht tionscail a dhéanann maoirseacht ar ullmhúcháin mhargaidh le haghaidh socraíocht T+1, Treochlár T+1⁹ a fhoilsiú. Leagtar amach sa Treochlár sin, ina gcuirtear san áireamh na socruithe margaidh atá ann faoi láthair, na príomhathruithe próisis agus na príomhfheabhsuithe is gá chun go mbeadh rath ar T+1 ar mhargadh caipitil an Aontais. Chuir ÚEUM san áireamh na moltaí ó Choiste Tionscail T+1 a leagtar amach sa Treochlár sin, ach roghnaigh sé gan ach na saincheisteanna sin nach féidir aghaidh a thabhairt orthu le gníomhaíocht thionsclaíoch agus a bhfuil idirghabháil rialála ag teastáil ina leith a chuimsiú ina dhréachtchaighdeán theicniúla rialála. Tá an Gníomhaireacht tar éis moltaí an tionscail a bhaineann le próisis mheaitseála agus deimhniúcháin chomh maith le próisis socraíochta a chur san áireamh, áit inar mó na tairbhí a bhíonn ann i gcás éifeachtúlacht socraíochta agus aistriú rathúil chuig socraíocht is giorra nuair a áirithítear aistriú comhsheasmhach tionscail chuig cumarsáid agus próiseáil leictreonach.

I bhfianaise an mhéid thuas, an 13 Deireadh Fómhair 2025, chuir ÚEUM dréachtchaighdeán teicniúil rialála faoi bhráid an Choimisiúin, ina moltar Rialachán Tarmligthe (AE) 2018/1229 ón gCoimisiún atá ann cheana a leasú¹⁰, trí bhearta a thabhairt isteach lena dtacófaí le héifeachtúlacht socraíochta san Aontas agus lena réiteofaí an bealach an tráth céanna do chur chun feidhme rianúil shocraíocht T+1 ar mhargadh caipitil an Aontais.

I bhfianaise an mhéid sin, le RTLÚ, arna leasú le RTLÚ Refit, cumhachtaítear an Coimisiún Rialachán Tarmligthe maidir leis an araíonacht socraíochta a ghlacadh, tar éis do ÚEUM dréachtchaighdeán theicniúla rialála a chur isteach, agus i gcomhréir le hAirteagail 10 go 14 de¹¹ Rialachán (AE) Uimh. 1095/2010 ('Rialachán ÚEUM').

⁶ 'Socraíocht T+1 san Eoraip: Tairbhí agus dúshlán a d'fhéadfadh a bheith ann', AFME, Meán Fómhair 2022

⁷ Measúnú ÚEUM ar ghiorrú an timthrialla socraíochta san Aontas Eorpach, an tÚdarás Eorpach um Urrúis agus Margaí, ESMA74-2119945925-1969, an 18 Samhain 2024. Is é RTLÚ Refit a shainordáigh an tuarascáil.

⁸ Ibid. Féach Caibidil 3.3 'Achoimre mhionsonraithe ar an gcaoi le bogadh go timthriall socraíochta is giorra'.

⁹ Treochlár Ardleibhéil chuig socraíocht urrús T+1 san Aontas, Coiste Tionscail T+1 an Aontais, an 30 Meitheamh 2025

¹⁰ Tuarascáil Chríochnaitheach faoi leasuithe ar na caighdeán theicniúla rialála maidir le haraíonacht socraíochta, an tÚdarás Eorpach um Urrúis agus Margaí, ESMA74-2119945926-3430, an 13 Deireadh Fómhair 2025

¹¹ Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margaí), lena leasaítear Cinneadh Uimh. 716/2009/CE agus lena n-aisghairtear Cinneadh 2009/77/CE ón gCoimisiún (IO L 331, 15.12.2010, lch. 84).

2. COMHAIRLIÚCHÁIN ROIMH GHLACADH AN GHNÍMH

Thug ÚEUM faoi chomhairliúchán poiblí¹² ón 13 Feabhra 2025 go dtí an 14 Aibreán 2025. I dteannta na bhfreagraí¹³ ar an gcomhairliúchán sin, baineann na leasuithe a mhol ÚEUM leas as an taithí a fuair sé le déanaí maidir le bearta araíonachta socraíochta a chur chun feidhme, Treochlár Tionscail T+1 agus rannpháirtíocht le Coiste um Bonneagar Margaidh agus Íocaíochtaí (CBMÍ) CEBC. Ina litir chuig ÚEUM, thug CBMÍ dá aire conclúid ÚEUM gan sainordú a thabhairt maidir le caighdeán cumarsáide aonair a úsáid i réimse na leithdháiltí agus na ndeimhnithe ag an bpointe seo. Mar sin féin, bhí CBMÍ den tuairim nár cheart aird a bhaint ó iarrachtaí breise i dtreo caighdeánú i ngeall ar an méid sin. D’aithin ÚEUM sa téacs na tairbhí a bhaineann le caighdeánú.

In éineacht leis na dréachtchaighdeáin theicniúla rialála, agus i gcomhréir le hAirteagal 10(1), an tríú fomhír, de Rialachán ÚEUM, chuir ÚEUM a mheasúnú tionchair isteach, lena n-áirítear a anailís¹⁴ ar chostais agus ar thairbhí na ndréachtchaighdeán rialála.

3. EILIMINTÍ DLÍ AN GHNÍMH THARMLIGTHE

Déantar foráil maidir leis an gceart Rialachán Tarmligthe ón gCoimisiún a ghlacadh faoi Airteagal 6(5) agus Airteagal 7(10) de RTLU. Faoi Airteagal 6(5), cumhachtaítear an Coimisiún caighdeáin theicniúla rialála a ghlacadh chun na bearta a shonrú lena gcoiscfear teipeanna socraíochta chun éifeachtúlacht socraíochta a fheabhsú. Faoi Airteagal 7(10), cumhachtaítear an Coimisiún caighdeáin theicniúla rialála a ghlacadh chun mionsonraí an chórais faireacháin ar theipeanna socraíochta agus an tuarascáil maidir le teipeanna socraíochta a shainiú. Chun na sainorduithe sin a chomhlíonadh, is gá leasuithe a dhéanamh ar Rialachán Tarmligthe (AE) 2018/1229 ón gCoimisiún (dá ngairtear ‘Rialachán CTR’ anseo feasta) trí bhíthin Rialachán Tarmligthe leasaitheach.

Leis an Rialachán Tarmligthe leasaitheach, tugtar isteach na leasuithe seo a leanas ar Rialachán CTR:

- Leagtar amach in Airteagal 1 na leasuithe seo a leanas ar Rialachán CTR:
 - Le hAirteagal 1, pointe (1), leasaítear Airteagal 2 de Rialachán CTR. Cuireann sé idirbhearta ‘ceannach agus aisdiól’ nó idirbhearta ‘díol agus aischeannach’ le liosta na n-idirbheart nach mór a shonrú sna teoracha leithdháilte le haghaidh urrús nó airgid agus leathnaíonn sé liosta na n-ítimí a shonraítear i leithdháiltí arna seoladh ag cliant ghairmiúla chuig gnólachtaí infheistíochta chun iad a ailíniú le réimsí meaitseála na dtéoracha socraíochta. Leagtar amach sna leasuithe freisin ceanglais theicniúla shonracha chun cumarsáid rianúil a áirithiú sa phróiseas socraíochta. Sonraítear sa leasú ar Airteagal 2(2) de Rialachán CTR an t-uainiú le haghaidh leithdháiltí agus deimhnithe i scríbhinn. Ar deireadh, leis an leasú ar Airteagal 2(3) de Rialachán CTR, ceanglaítear ar ghnólachtaí infheistíochta a áirithiú go soláthróidh a gcliaint ghairmiúla sonraí tagartha socraíochta i

¹² Páipéar comhairliúcháin i ndáil leis na leasuithe ar na caighdeáin theicniúla rialála maidir le haraíonacht socraíochta, an tÚdarás Eorpach um Urrúis agus Margai, ESMA74-2119945925-2117

¹³ Chun achoimre ar fhreagraí an chomhairliúcháin phoiblí a fháil, féach ‘Iarscríbhinn I – Achoimre ar na freagraí ar an gcomhairliúchán’ sa Tuarascáil Chríochnaitheach faoi leasuithe ar na caighdeáin theicniúla rialála maidir le haraíonacht socraíochta, an tÚdarás Eorpach um Urrúis agus Margai, ESMA74-2119945926-3430, an 13 Deireadh Fómhair 2025

¹⁴ Féach Iarscríbhinn III. Tuarascáil Chríochnaitheach faoi leasuithe ar na caighdeáin theicniúla rialála maidir le haraíonachta socraíochta, an tÚdarás Eorpach um Urrúis agus Margai, ESMA74-2119945926-3430, an 13 Deireadh Fómhair 2025

bhformáid chaighdeánaithe leictreonach mheaisín-inléite agus an fhaisnéis sin a choinneáil cothrom le dáta.

- Cuirtear Airteagal 1, pointe (2), in ionad Airteagal 3 de Rialachán CTR agus sonraítear ann go gceanglóidh gnólachtaí infheistíochta ar chliaint mhiondíola an fhaisnéis socraíochta ábhartha uile a sheoladh chucu tráth nach déanaí ná 23:00 CET ar an lá gnó a rinneadh an t-idirbheart.
- Le hAirteagal 1, pointe (3), leasaítear Airteagal 5(4) trí idirbhearta ‘ceannach agus aisdiól’ agus idirbhearta ‘díol agus aischeannach’ a chur le liosta na gcineálacha idirbhirt ba cheart do rannpháirtithe TLU a shainaithint ina dtreoracha socraíochta. Leis an leasú ar Airteagal 5(4) de Rialachán CTR, ceanglaítear ar rannpháirtithe TLU an áit trádála inar forghníomhaíodh an t-idirbheart foluiteach a shonrú ina dtreoracha socraíochta. Leagtar amach in Airteagal 5(5) nua de Rialachán CTR an amlíne le haghaidh rannpháirtithe TLU chun treoracha socraíochta a sholáthar.
- Le hAirteagal 1, pointe (4), leasaítear Airteagal 8, pointe (b), de Rialachán CTR chun a shonrú a thuilleadh gur féidir treoir shocraíochta a chuirtear ar feitheamh a scaoileadh go hiomlán nó go páirteach.
- Cuirtear Airteagal 1, pointe (5), in ionad Airteagal 10 de Rialachán CTR, agus tugtar isteach leis ceanglas ar TLUnna socraíocht uathpháirteach agus na coinníollacha maidir lena húsáid a chumasú.
- Le hAirteagal 1, pointe (6), leasaítear Airteagal 11(4) de Rialachán CTR chun sainordú a thabhairt do TLUnna ollsocraíocht fíor-ama nó trí bhaisc shocraíochta ar a laghad in aghaidh an lae gnó a thairiscint do rannpháirtithe.
- Cuirtear Airteagal 1, pointe (7), in ionad Airteagal 12 de Rialachán CTR chun ceangal a chur ar TLUnna éascaíocht a dhéanamh don rochtain atá ag a rannpháirtithe ar chreidmheas airgid ionlae arna urrú le comhthaobhacht trí fheidhmiúlacht uathoibrithe chomhthaobhachta.
- Le hAirteagal 1, pointe (8), leasaítear Airteagal 13(1), pointe (a), de Rialachán CTR agus soiléirítear le mionsonraí an chórais lena ndéantar faireachán ar theipeanna socraíochta gur cheart an chúis le teip socraíochta a bheith bunaithe ar an bhfaisnéis atá ar fáil go díreach don TLU nó a chuireann a rannpháirtithe in iúl dó. Leis an leasú ar Airteagal 13(1), pointe (d), de Rialachán CTR, cuirtear idirbhearta ‘ceannach agus aisdiól’ agus idirbhearta ‘díol agus aischeannach’ leis an gcineál idirbheart a ndéanann teip socraíochta difear dóibh. Le hAirteagal 13(1a) nua de Rialachán CTR, ceanglaítear ar rannpháirtithe TLU na príomhchúiseanna le teipeanna socraíochta agus na bearta chun aghaidh a thabhairt orthu a thuairisciú don TLU. Ar deireadh, leis an leasú ar Airteagal 13(2) de Rialachán CTR, ceanglaítear ar TLUnna agus ar rannpháirtithe a bhfuil an tionchar is mó acu ar an gcóras socraíochta anailís a dhéanamh ní hamháin ar na príomhchúiseanna le teipeanna socraíochta (mar atá faoi láthair), ach a shonrú freisin conas a thabharfar aghaidh orthu sin.
- Le hAirteagal 1, pointe (9), leasaítear Airteagal 14 de Rialachán CTR, leasaítear an méid seo a leanas leis go sonrach:
 - Airteagal 14(1) de Rialachán CTR chun ceangal a chur ar TLUnna an fhaisnéis dá dtagraítear in Iarscríbhinn I a ghabhann le Rialachán CTR a chur in iúl d’údaráis inniúla agus ábhartha, lena n-áirítear bearta atá beartaithe nó déanta

ag TLUnna agus a rannpháirtithe chun feabhas a chur ar an éifeachtúlacht socraíochta;

- Airteagal 14(2) de Rialachán CTR chun ceangal a chur ar TLUnna faireachán a dhéanamh ar na bearta atá beartaithe nó déanta acu nó ag a rannpháirtithe chun feabhas a chur ar an éifeachtúlacht socraíochta;
- Airteagal 14(3) de Rialachán CTR chun ceangal a chur ar TLUnna an fhaisnéis dá dtagraítear i mír 1 den Airteagal sin a thuairisciú d'údarais inniúla i bhformáid chaighdeánaithe leictreonach - a bheidh struchtúrtha ar bhealach inar féidir le feidhmchláir bogearraí sonraí sonracha a shainaithint, a aithint agus a asbhaint go héasca.
- Le hAirteagal 1, pointe (10), ceartaítear crostagairt in Airteagal 23(2) de Rialachán CTR.
- Le hAirteagal 1, pointí (11), leasaítear Iarscríbhinn I a ghabhann le Rialachán CTR agus sonraítear faisnéis maidir le teipeanna socraíochta atá le tuairisciú ag TLUnna do na húdarais inniúla agus ábhartha. Leis an leasú ar Iarscríbhinn I, Tábla 2 de Rialachán CTR, cuirtear isteach idirbhearta 'ceannach agus aisdiól' agus idirbhearta 'díol agus aischeannach' agus áit trádála le haghaidh gach cineáil ionstraimé airgeadais a liostaítear sa Tábla sin maidir le sonraí laethúla i ndáil le teipeanna socraíochta.
- Le hAirteagal 1, pointe (12), scriostar Iarscríbhinn II a ghabhann le Rialachán CTR.
- Le hAirteagal 1, pointe (13), leasaítear Iarscríbhinn III a ghabhann le Rialachán CTR chun na sonraí atá le tuairisciú le haghaidh cineálacha éagsúla ionstraimí airgeadais a leathnú, i ndáil le luach agus méid na dteipeanna socraíochta, agus chun réimse a chur isteach maidir leis na príomhchúiseanna le teipeanna socraíochta agus bearta atá beartaithe chun aghaidh a thabhairt orthu.
- Leagtar amach in Airteagal 2 dáta theacht i bhfeidhm agus dátaí infheidhmeachta na mbeart éagsúil.

RIALACHÁN TARMLIGTHE (AE) .../... ÓN gCOIMISIÚN

an 6.7.2026

lena leasaítear na caighdeáin theicniúla rialála a leagtar síos i Rialachán Tarmligthe (AE) 2018/1229 ón gCoimisiún an 25 Bealtaine 2018 lena bhforlíontar Rialachán (AE) Uimh. 909/2014 ó Pharlaimint na hEorpa agus ón gComhairle a mhéid a bhaineann le caighdeáin theicniúla rialála maidir le haraíonacht socraíochta

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 909/2014 ó Pharlaimint na hEorpa agus ón gComhairle an 23 Iúil 2014 maidir le socraíocht urrús san Aontas Eorpach a fheabhsú agus maidir le taisclanna lárnacha urrús agus lena leasaítear Treoir 98/26/CE agus Treoir 2014/65/AE agus Rialachán (AE) Uimh. 236/2012 ¹, agus go háirithe Airteagal 6(5) agus Airteagal 7(10) de,

De bharr an mhéid seo a leanas:

- (1) Le Rialachán (AE) 2025/2075 ó Pharlaimint na hEorpa agus ón gComhairle², leasaíodh Airteagal 5(2) de Rialachán (AE) Uimh. 909/2014 trí idirbhearta ‘ceannach agus aisdiól’ agus idirbhearta ‘díol agus aiscéannach’ a bhaint de raon feidhme na forála sin. Is gá, dá bhrí sin, liosta na gcineálacha idirbhirt, a leagtar síos in Airteagal 2(1) de Rialachán Tarmligthe (AE) 2018/1229, atá le cur isteach mar chuid de leithdháiltí i scríbhinn, a thabhairt cothrom le dáta.
- (2) Leis an taithí a fuarthas ó dháta chur i bhfeidhm Rialachán Tarmligthe (AE) 2018/1229, cuireadh i dtábhacht a thábhachtaí atá sé na réimsí sonraí is gá le haghaidh leithdháiltí agus deimhnithe a ailíniú, a mhéid is féidir, leis na réimsí sonraí is gá le haghaidh teoracha socraíochta. Is léir ón taithí sin freisin, gur cheart an áit socraíochta a chur in iúl a luaithe is féidir sa phróiseas socraíochta chun coigeartuithe ag céim dhéanach a sheachaint, ar coigeartuithe iad atá an-chriticiúil i gcomhthéacs timthriall socraíochta giorraithe.
- (3) Chun a áirithiú gur féidir idirbhearta a shocrú gan mhoill, ba cheart do ghnólachtaí infheistíochta a cheangal ar a gcliaint ghairmiúla sonraí statacha nó tagartha atá cruinn agus cothrom le dáta a sholáthar, lena n-áirítear faisnéis faoi na cuntais a bhfuil ionstraimí airgeadais agus airgead tirim le cur chun sochair dóibh, faoin margadh ábhartha nó faoin áit socraíochta ábhartha, agus faoi na coimeádaithe nó na hidirghabhálaithe trína bhfuil cumarsáid le ródú luath go leor roimh an dáta socraíochta atá beartaithe. Ar an gcúis chéanna, ba cheart feidhm a bheith ag an gceanglas sin freisin maidir le faisnéis socraíochta arna seoladh ag cliaint mhiondíola.

¹ IO L 257, 28.8.2014, lch. 1, ELI: <http://data.europa.eu/eli/reg/2014/909/oj>.

² Rialachán (AE) 2025/2075 ó Pharlaimint na hEorpa agus ón gComhairle an 8 Deireadh Fómhair 2025 lena leasaítear Rialachán (AE) Uimh. 909/2014 a mhéid a bhaineann le timthriall socraíochta níos giorra san Aontas (IO L, 2025/2075, 14.10.2025, ELI: <http://data.europa.eu/eli/reg/2025/2075/oj>).

- (4) Chun ardéifeachtúlacht socraíochta a choinneáil ar bun de réir mar a thagann méadú ar mhéideanna na n-idirbheart, agus chun socrú tráthúil trádálacha a áirithiú, ba cheart úsáid fhorleathan na lánphróiseála uathoibrithe ar fud an mhargaidh a áirithiú. Chuige sin, ba cheart an t-uathoibriú inmheánach is gá a bheith i bhfeidhm ag rannpháirtithe díreacha agus indíreacha sa mhargadh araon chun tairbhiú go hiomlán de na réitigh lánphróiseála uathoibrithe atá ar fáil. Is iomchuí, dá bhrí sin, ceanglas a chur ar ghnólachtaí infheistíochta a áirithiú go dtarchuirfear cumarsáid den sórt sin i bhformáid leictreonach agus mheaisín-inléite agus an ceanglas sin a chur in ionad na féidearthachta atá ann faoi láthair do chliaint ghairmiúla leithdháiltí agus deimhnithe i scríbhinn a sheoladh go leictreonach.
- (5) Thairis sin, ní féidir leas iomlán a bhaint as tairbhí na lánphróiseála uathoibrithe i gcás ina leanann rannpháirtithe sa mhargadh de chaighdeán teachtaireachtaí dílseánaigh nó intíre a úsáid, fad agus a oibríonn taisclanna lárnacha urrús (TLUnna) ar bhonn nósanna imeachta agus caighdeán cumarsáide oscailte idirnáisiúnta. Chun idirinoibritheacht agus éifeachtúlacht a chur chun cinn, ba cheart úsáid nósanna imeachta agus caighdeán cumarsáide oscailte idirnáisiúnta le haghaidh sonraí teachtaireachtaí agus tagartha a leathnú chun tarchur leithdháiltí agus deimhnithe a chumhdach.
- (6) Níor cheart aistriú socraíochta ar mhórsála ó ionaid trádála go margáí thar an gcuntar a bheith mar thoradh ar an aistriú chuig socraíocht níos giorra. Sin an fáth ar cheart do TLUnna agus dá rannpháirtithe réimse a úsáid ina léirítear an áit trádála ina dtreoracha socraíochta chun tacú le faireachán agus tuairisciú ar theipeanna socraíochta.
- (7) Le Rialachán (AE) 2025/2075 leasíodh Airteagal 5(2) de Rialachán (AE) Uimh. 909/2014 tríd an tréimhse shocraíochta a laghdú ó 2 lá gnó tar éis na trádála go dtí lá gnó amháin. Leis an leasú sin, is gá coigeartuithe a dhéanamh le linn an phróisis iarthrádála, agus go háirithe a mhéid a bhaineann leis an bhféidearthacht atá ann faoi láthair faoi Airteagal 2(2), pointe (b), de Rialachán Tarmligthe (AE) 2018/1229 ón gCoimisiún³ maidir le cliaint ghairmiúla leithdháileadh i scríbhinn agus deimhnithe i scríbhinn a sholáthar do ghnólachtaí infheistíochta faoi 12.00 CET ar an lá gnó tar éis an lae a rinneadh an t-idirbheart. Tá sé fíor-riachtanach treoracha socraíochta a chur isteach go tráthúil chun é a chur ar a gcumas do TLUnna an éifeachtúlacht oibríochtúil a fheabhsú agus glanluacháil a uasmhéadú i bhfianaise an aistrithe chuig timthriall socraíochta T+1. Sa chomhthéacs sin, oibríonn roinnt TLUnna céimeanna socraíochta ar lena linn a úsáidtear algartaim optamaithe chun an oiread idirbheart agus is féidir a shocrú. Rannpháirtithe atá toilteanach tairbhiú de bharrfheabhsú den sórt sin ba cheart do TLUnna iad a spreagadh chun a dtreoracha socraíochta a chur isteach roimh 23:59 CET ar an dáta trádála. Níor cheart, áfach, go gcuirfeadh tiolacadh treoracha socraíochta tar éis an ama sin cosc ar TLUnna na treoracha socraíochta sin a phróiseáil, ná níor cheart cur i bhfeidhm pionós airgid a bheith mar thoradh air, ar pionós iad nach bhfuil feidhm acu ach amháin nuair a chomhlíontar coinníollacha Airteagal 7(2) de Rialachán (AE) 909/2014.
- (8) Chun tacú a thuilleadh leis an éifeachtúlacht socraíochta agus chun bheith comhoiriúnach leis an luasghéarú agus leis an uathoibriú is gá le haghaidh timthriall socraíochta giorraithe, ba cheart do gach TLU feidhmiúlacht a chur ar fáil lena

³ Rialachán Tarmligthe (AE) 2018/1229 ón gCoimisiún an 25 Bealtaine 2018 lena bhforlíontar Rialachán (AE) Uimh. 909/2014 ó Pharlaimint na hEorpa agus ón gComhairle a mhéid a bhaineann le caighdeán theicniúla rialála maidir le haraíonacht socraíochta (IO L 230, 13.9.2018, lch. 1, ELI:http://data.europa.eu/eli/reg_del/2018/1229/oj).

gcumasaítear socraíocht pháirteach uathoibríoch. Mar sin féin, ós rud é nach bhfuil gá leis an bhfeidhmiúlacht sin i ngach cás, ba cheart an deis a bheith ag rannpháirtithe sna hidirbhearta gan an fheidhmiúlacht sin a úsáid.

- (9) Baineann tairbhí sainiúla le modhanna éagsúla socraíochta. Le hollsocraíocht fíor-ama íoslaghdaítear an riosca contrapháirtí agus an neamhchosaint chreidmheasa agus is féidir leachtacht a bhainistiú ar bhealach níos éifeachtaí, agus ceadáítear éifeachtúlachtaí oibriúcháin le baisceanna socraíochta trí ghlanluacháil. Dá bhrí sin, ba cheart do TLUnna ceann amháin de na trí fhéidearthacht seo a leanas a thairiscint: ollsocraíocht fíor-ama, trí bhaisc shocraíochta ar a laghad in aghaidh an lae gnó, nó meascán den dá rud.
- (10) Ba cheart feidhmiúlachtaí córais, beartais agus nósanna imeachta fóna agus éifeachtúla a bheith ag TLUnna a chuirfidh ar a gcumas dóibh socraíocht a éascú agus a dhreasú ar an dáta socraíochta atá beartaithe. Maidir leis an rannchuidiú éifeachtach i dtaca le héifeachtúlacht socraíochta trí shocraíocht uathpháirteach agus trí na feidhmiúlachtaí sealbhaithe agus scaoilte, is rannchuidiú é atá tagtha chun solais ó cuireadh an córas araíonachta socraíochta i bhfeidhm. Is iomchuí, dá bhrí sin, deireadh a chur leis an maolú ar bhearta áirithe chun teipeanna socraíochta a chosc, a leagtar síos in Airteagal 12 de Rialachán Tarmligthe (AE) 2018/1229.
- (11) Le soláthar creidmheasa airgid ionlae arna urrú le comhthaobhacht in airgead bainc ceannais nó in airgead bainc tráchtála soláthraítear leachtacht nach beag le haghaidh socraíochta. D'fhéadfadh na tairbhí sin a bheith ríthábhachtach le linn chur chun feidhme tosaigh socraíochta is giorra. Sin an fáth ar cheart do TLUnna éascaíocht a dhéanamh don rochtain atá ag a rannpháirtithe ar sholáthar creidmheasa airgid ionlae arna urrú le comhthaobhacht trí fheidhmiúlacht uathoibríthe chomhthaobhachta. Níor cheart feidhm a bheith ag an gceanglas sin maidir le TLUnna, a bhfuil ceadúnas baincéireachta acu, lena soláthraítear creidmheas airgid ionlae arna urrú le comhthaobhacht dá rannpháirtithe go díreach, seachas díreach rochtain ar fheidhmiúlacht den sórt sin a éascú.
- (12) Chun a chur ar a gcumas do TLUnna bunchúiseanna na dteipeanna socraíochta a shainaithint, ba cheart do TLUnna a cheangal ar rannpháirtithe iad a chur ar an eolas faoi na príomhchúiseanna le teipeanna socraíochta den sórt sin agus faoi na bearta a dhéantar chun teipeanna socraíochta den sórt sin a chosc. Ina theannta sin, i bhfianaise na n-athruithe a tugadh isteach le Rialachán (AE) 2025/2075 lena gcuirtear de chúram ar an Údarás Eorpach um Urrúis agus Margaí ('ÚEUM') dlúthfhaireachán a dhéanamh ar éifeachtúlacht socraíochta idirbheart maoinithe urrús a thrádáiltear ar ionaid trádála nó lasmuigh díobh, is gá idirbhearta 'ceannach agus aisdiól' agus idirbhearta 'díol agus aischeannach' a chur le liosta na n-idirbheart a bheidh mar chuid den fhaireachán ar theipeanna socraíochta.
- (13) Chun socrúithe oibre a bhunú le rannpháirtithe chun teipeanna socraíochta a laghdú, ba cheart TLUnna a bheith in ann rannpháirtithe a shainaithint a bhféadfadh tionchar mór a bheith ag a dteipeanna socraíochta. Chun na rannpháirtithe sin a shainaithint, ba cheart do TLU an sciar de theipeanna socraíochta rannpháirtí a chur san áireamh i méid iomlán agus luach iomlán na dtreoracha socraíochta arna bpróiseáil ar leibhéal an chórais socraíochta urrús a oibríonn an TLU. Mura ndéantar sin, d'fhéadfadh rannpháirtithe beaga nach bhfuil mórán idirbheart acu a bheith ar liosta na rannpháirtithe is mó a bhfuil ag teip orthu má mheastar a ráta teipe socraíochta i ndearbhthearmaí.

- (14) Is iarracht chomhpháirteach é faireachán a dhéanamh ar theipeanna socraíochta agus aghaidh a thabhairt orthu, arb iarracht í ina mbeidh na húdaráis inniúla agus ábhartha, TLUnna agus a rannpháirtithe rannpháirteach. Dá bhrí sin, ba cheart do TLUnna an t-údarás inniúil agus na húdaráis ábhartha a chur ar an eolas go tráthrialta faoi éabhlóid na dteipeanna socraíochta sa chóras socraíochta a oibríonn siad agus faoi na bearta atá déanta acu chun aghaidh a thabhairt ar na teipeanna socraíochta sin. Ar an gcúis chéanna, ba cheart do TLUnna a áirithiú go ndéanfaidh a rannpháirtithe iarrachtaí pleanáilte chun feabhas a chur ar an éifeachtúlacht socraíochta.
- (15) Chun go bhféadfar faireachán níos mionsonraithe a dhéanamh ar an éifeachtúlacht socraíochta, ba cheart do TLUnna na rannpháirtithe is mó a bhfuil ag teip orthu a thuairisciú i dtéarmaí mhéid agus luach na dtreoracha socraíochta a phróiseálfar. Ar an gcúis chéanna, ba cheart do TLUnna sonraí maidir le teipeanna socraíochta a thuairisciú trí chatagóirí idirbheart níos gráinní a chur san áireamh, gan beann ar cé acu a fhorghníomhaítear na hidirbhearta ar ionaid trádála nó lasmuigh díobh agus gan beann ar fhad na dteipeanna socraíochta de réir chineál na n-ionstraimí airgeadais.
- (16) I bhfianaise phrionsabal an tsimplithe agus an laghdaithe ualaigh, tá sé tábhachtach aon dúbláil a d'fhéadfadh a bheith sna ceanglais tuairiscithe a sheachaint. Ar an gcúis sin, agus ós rud é go gcumhdaítear an faisnéis cheana féin sna tuarascálacha míosúla nach mór do TLUnna a chur isteach, ba cheart deireadh a chur leis an gceanglas atá ar TLUnna tuarascálacha bliantúla maidir le teipeanna socraíochta a chur isteach. I gcás inar gá, ba cheart an t-údarás inniúil a bheith in ann tuairisciú níos minice agus faisnéis bhreise maidir le teipeanna socraíochta a iarraidh ar an TLU.
- (17) Chun leibhéal is airde trédhearcachta a áirithiú, ba cheart do TLUnna sonraí maidir le teipeanna socraíochta a fhoilsiú de réir an chineáil ionstraime airgeadais, de réir na bpríomhchúiseanna le teipeanna socraíochta, agus de réir na mbearta atá beartaithe chun aghaidh a thabhairt orthu.
- (18) Mar gheall ar na coigeartuithe struchtúracha agus eagraíochtúla a éilítear leis an aistriú chuig timthriall socraíochta is giorra, tá gá le cur chuige difreáilte maidir le dátaí chur i bhfeidhm fhorálacha éagsúla an Rialacháin Tharmilgthe seo. Níos tábhachtaí fós, ba cheart an dáta cur i bhfeidhm a chur siar i gcás forálacha ina bhfuil ceanglais a bhaineann le forbairtí TF, lena n-áirítear feidhmiúlachtaí TLUnna atá dírithe ar an éifeachtúlacht socraíochta a fheabhsú. An tráth céanna, i gcás forálacha lena dtugtar isteach tréimhsí ama is giorra le haghaidh próisis réamhshocraíochta a thacaíonn leis an aistriú chuig timthriall socraíochta T+1, is forálacha iad ar cheart feidhm a bheith acu ag céim is luaithe ionas go mbeidh am leordhóthanach ag rannpháirtithe sa mhargadh tástáil a dhéanamh i bhfad roimh an aistriú chuig T+1.
- (19) Leasuithe eile, agus go sonrach na leasuithe sin a bhaineann le tuairisciú agus nochtadh sonraí maidir le teipeanna socraíochta ag TLUnna, ba cheart feidhm a bheith acu roinnt míonna roimh an aistriú go T+1 a leagtar síos in Airteagal 5(2) de Rialachán (AE) Uimh. 909/2014. Ós rud é go bhfuil ÚEUM le tuairisciú maidir leis an éifeachtúlacht socraíochta arna iarraidh sin don Choimisiún, tá faisnéis leormhaith faoi theipeanna socraíochta roimh an aistriú chuig T+1 agus ina dhiaidh criticiúil. Sa chomhthéacs sin, ba cheart am leordhóthanach a thabhairt do TLUnna agus do rannpháirtithe sa mhargadh chun é a chur ar a gcumas dóibh sonraí a thuairisciú i gcomhréir leis na paraiméadair bhreise a leagtar síos in Iarscríbhinní I agus II a ghabhann leis an Rialachán Tarmilgthe seo, agus foráil á déanamh san am céanna maidir le tréimhse bhreathnóireachta atá fada go leor chun measúnú fóinteach a

dhéanamh ar an tionchar a bheidh ar an éifeachtúlacht socraíochta, roimh an aistriú chuig socraíocht is giorra agus ina dhiaidh.

- (20) Ba cheart, dá bhrí sin, Rialachán Tarmligthe (AE) 2018/1229 ón gCoimisiún a leasú dá réir sin.
- (21) Is ar na dréachtchaighdeáin theicniúla rialála a chuir ÚEUM faoi bhráid an Choimisiúin atá an Rialachán seo bunaithe.
- (22) Reáchtáil ÚEUM comhairliúcháin phoiblí oscailte maidir leis na dréachtchaighdeáin theicniúla rialála ar a bhfuil an Rialachán seo bunaithe, rinne sé anailís ar na costais agus ar na tairbhí gaolmhara a d'fhéadfadh a bheith ann mar chuid den pháipéar comhairliúcháin agus d'iarr sé comhairle ar an nGrúpa Geallsealbhóirí um Urrúis agus Margaí arna bhunú i gcomhréir le hAirteagal 37 de Rialachán (AE) Uimh. 1095/2010 ó Pharlaimint na hEorpa agus ón gComhairle⁴. Thairis sin, agus moltaí ÚEUM á bhforbairt aige, chuaigh sé i dteagmháil le Coiste um Bonneagar Margaidh agus Íocaíochtaí an Chórais Eorpaigh Banc Ceannais (CEBC), i gcomhréir le hAirteagal 10 de Rialachán (AE) Uimh. 1095/2010,

TAR ÉIS AN RIALACHÁN SEO A GHLACADH:

Airteagal 1

Leasuithe ar Rialachán Tarmligthe (AE) 2018/1229

Leasaítear Rialachán Tarmligthe (AE) 2018/1229 mar a leanas:

- (1) Leasaítear Airteagal 2 mar a leanas:
 - (a) leasaítear mír 1 mar a leanas:
 - (i) leasaítear an chéad mhír mar a leanas:
 - (1) i bpointe (a), cuirtear pointe (vi) seo a leanas leis:

‘(vi) idirbhearta ‘ceannach agus aisdiól’ nó idirbhearta ‘díol agus aiscéannach’;’;
 - (2) scriostar pointí (i) go (k);
 - (3) cuirtear isteach pointí (m) go (p) seo a leanas:

‘(m) méid socraíochta an airgid thirim atá le soláthar nó le fáil;

(n) aitheantóir an rannpháirtí a sholáthraíonn na hionstraimí airgeadais nó an t-airgead tirim;

(o) aitheantóir an rannpháirtí a fhaigheann na hionstraimí airgeadais nó an t-airgead tirim;

(p) áit na socraíochta (‘PSET’).’;
 - (ii) cuirtear an méid seo a leanas in ionad an tríú mír agus an cheathrú mír:

‘Seolfaidh cliaint ghairmiúla a leithdháiltí i scríbhinn trí úsáid a bhaint as modh cumarsáide caighdeánaithe leictreonach atá struchtúrtha sa chaoi gur

⁴ Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margaí), lena leasaítear Cinneadh Uimh. 716/2009/CE agus lena n-aisghairtear Cinneadh Uimh. 2009/77/CE ón gCoimisiún (IO L 331, 15.12.2010, lch. 84, ELI: <http://data.europa.eu/eli/reg/2010/1095/oj>).

féidir le feidhmchláir bogearraí sonraí sonracha, lena n-áirítear ráitis aonair fíoras, agus a struchtúr inmheánach a shainaithint, a aithint agus a asbhaint go héasca.

Gnólachtaí infheistíochta a bhfuil deimhniú faighte acu maidir le forghníomhú ordaithe idirbhirt arna dhéanamh ag cliant gairmiúil, áiritheoidh siad, trí shocrúithe conarthacha, go ndeimhneoidh an cliant gairmiúil i scríbhinn go nglacann sé le téarmaí an idirbhirt, trí úsáid a bhaint as modh cumarsáide caighdeánaithe leictreonach atá struchtúrtha sa chaoi gur féidir le feidhmchláir bogearraí sonraí sonracha, lena n-áirítear ráitis aonair fíoras, agus a struchtúr inmheánach, a shainaithint, a aithint agus a asbhaint go héasca laistigh de na tréimhsí ama a leagtar amach i mír 2. Féadfar an deimhniú i scríbhinn sin a chuimsiú sa leithdháileadh i scríbhinn freisin.

Modhanna cumarsáide nach bhfuil struchtúrtha agus, ar an gcaoi sin, a chuireann cosc ar fheidhmchláir bogearraí sonraí sonracha, lena n-áirítear ráitis aonair fíoras, agus a struchtúr inmheánach araon a shainaithint, a aithint agus a asbhaint go héasca, ní cheadófar na modhanna sin ach amháin i gcásanna neamh-infhaighteachta teicniúla sealadaí nó cur isteach ar sheirbhís, ar choinníoll go ndéanfar na himthosca sin a dhoiciméadú agus a réiteach go cuí gan moill mhíchuí.

Ceanglóidh gnólachtaí infheistíochta ar a gcliaint ghairmiúla an leithdháileadh i scríbhinn agus an deimhniú i scríbhinn a sheoladh trí úsáid a bhaint as na nósanna imeachta agus na caighdeáin cumarsáide oscailte idirnáisiúnta dá dtagraítear in Airteagal 2(1), pointe (34), de Rialachán (AE) Uimh. 909/2014.

Ceanglóidh gnólachtaí infheistíochta ar a gcliaint ghairmiúla na leibhéil lamhátais airgid thirim arna mbunú ag an TLU ábhartha a chur i bhfeidhm i gcomhréir le hAirteagal 6 den Rialachán seo agus méid iomlán an airgid thirim atá le soláthar nó le fáil ina leithdháiltí i scríbhinn á thuairisciú acu.’;

- (b) cuirtear an méid seo a leanas in ionad mhíreanna 2 agus 3:

‘2. Áiritheoidh cliaint ghairmiúla go bhfaighidh an gnólacht infheistíochta na leithdháiltí i scríbhinn agus na deimhnithe i scríbhinn dá dtagraítear i mír 1 a luaithe is féidir agus tráth nach déanaí ná 23:00 CET ar an lá gnó a rinneadh an t-idirbheart.

Deimhneoidh gnólachtaí infheistíochta go bhfuair siad an leithdháileadh i scríbhinn agus an deimhniú i scríbhinn laistigh de 2 uair an chloig ón uair a fuair siad leithdháileadh agus an deimhniú sin. Na gnólachtaí infheistíochta a gheobhaidh an leithdháileadh i scríbhinn agus an deimhniú i scríbhinn laistigh de 1 uair an chloig roimh am scoir gnó, deimhneoidh siad go bhfuair siad an leithdháileadh i scríbhinn agus an deimhniú i scríbhinn laistigh de 1 uair an chloig tar éis thús am gnó ar an gcéad lá gnó eile.

3. Ceanglóidh gnólachtaí infheistíochta ar a gcliaint ghairmiúla na sonraí tagartha uile is gá a sholáthar chun trádáil a shocrú i bhformáid chaighdeánaithe leictreonach, agus a bheidh struchtúrtha sa chaoi gur féidir le feidhmchláir bogearraí sonraí sonracha, lena n-áirítear ráitis aonair fíoras, agus a struchtúr inmheánach a shainaithint, a aithint agus asbhaint go héasca. Ceanglóidh gnólachtaí infheistíochta ar a gcliaint ghairmiúla freisin na sonraí tagartha sin a

choimeád cothrom le dáta in am trátha roimh ré chun socrú tráthúil idirbheart a áirithiú. Gnólachtaí infheistíochta a fhaigheann an fhaisnéis dá dtagraítear i mír 1 roimh an tréimhse ama dá dtagraítear i mír 2, féadfaidh siad a chomhaontú i scríbhinn lena gcliaint ghairmiúla nach seolfar na leithdháiltí i scríbhinn agus na deimhnithe i scríbhinn lena mbaineann.’;

- (2) Cuirtear an méid seo a leanas in ionad Airteagal 3:

‘Airteagal 3

Bearta a bhaineann le cliaint mhiondíola

Ceanglóidh gnólachtaí infheistíochta ar a gcliaint mhiondíola an fhaisnéis socraíochta ábhartha uile le haghaidh na n-idirbheart dá dtagraítear in Airteagal 5(1) de Rialachán (AE) Uimh. 909/2014 a sheoladh chucu a luaithe is féidir agus tráth nach déanaí ná 23:00 CET ar an lá gnó ar rinneadh an t-idirbheart, mura rud é go sealbhaíonn an cliant sin na hionstraimí airgeadais ábhartha agus an t-airgead tirim ábhartha sa ghnólacht infheistíochta céanna.’;

- (3) Leasaítear Airteagal 5 mar a leanas:

- (a) cuirtear an méid seo a leanas in ionad mhír 4:

‘4. I dteannta na réimsí dá dtagraítear i mír 3, ceanglóidh taisclanna lárnacha urrús ar a rannpháirtithe na réimsí seo a leanas a úsáid ina dtreoracha socraíochta:

- (a) réimse lena léirítear an cineál idirbhirt bunaithe ar an tacsanomaíocht seo a leanas:

(i) ceannach nó díol urrús;

(ii) oibríochtaí bainistíochta comhthaobhachtaí;

(iii) oibríochtaí iasachtaíochta agus iasachtaithe;

(iv) idirbhearta athcheannaigh;

(v) idirbhearta ‘ceannach agus aisdíol’ nó idirbhearta ‘díol agus aisceannach’;

(vi) idirbhearta eile (ar féidir iad a shainaithint le cóid ISO níos mionsonraithe arna soláthar ag an TLU);

- (b) réimse lena léirítear an áit trádála a líonfar le Cóid Aitheantais Margaidh (‘MIC’) an ionaid trádála inar forghníomhaíodh an t-idirbheart foluiteach.

Chun críocha phointe (b), i gcás nach bhfuil feidhm ag MIC, úsáidfídh rannpháirtithe cóid eile bunaithe ar na nósanna imeachta agus caighdeáin cumarsáide oscailte idirnáisiúnta le haghaidh sonraí teachtaireachtaí agus tagartha dá dtagraítear in Airteagal 2(1), pointe (34), de Rialachán (AE) Uimh. 909/2014 chun sonraí a chur sa réimse ar leith.’;

- (b) cuirtear mír 5 seo a leanas isteach:

‘5. Ceanglóidh taisclanna lárnacha urrús ar rannpháirtithe treoracha socraíochta a sheoladh a luaithe is féidir agus, i gcás inarb indéanta, faoi 23:59 CET ar an lá gnó a dhéantar an t-idirbheart.’;

- (4) in Airteagal 8, cuirtear an méid seo a leanas in ionad phointe (b):

‘(b) sásra scaoilte lenar féidir teoracha socraíochta ar feitheamh a scaoileadh ina n-iomláine nó i bpáirt chun críche socraíochta, ar teoracha iad atá blocáilte ag an rannpháirtí teorach.’;

(5) Cuirtear an méid seo a leanas in ionad Airteagal 10:

‘Airteagal 10

Socraíocht pháirteach uathoibríoch

Beidh feidhmiúlacht ag taisclanna lárnacha urrús lenar féidir socraíocht pháirteach a dhéanamh go huathoibríoch ar idirbheart bunaithe ar infhaighteacht urrús i gcuntas an tsoláthraí, gan gá a bheith ann le hidirghabháil de láimh. Beidh teoracha socraíochta comhoiriúnaithe incháilithe do shocraíocht pháirteach uathoibríoch den sórt sin, ach amháin má roghnaíonn ceann de na rannpháirtithe gan bheith páirteach i socraíocht pháirteach.’;

(6) in Airteagal 11, cuirtear an méid seo a leanas in ionad mhír 4:

‘4. Tairgfídh TLUnna do rannpháirtithe ollsocraíocht fíor-ama nó trí bhaisc shocraíochta ar a laghad in aghaidh an lae gnó, nó meascán den dá rud. Scaipfear na baisceanna socraíochta ar feadh an lae gnó i gcomhréir le riachtanais an mhargaidh, agus sin bunaithe ar an iarraidh ó choiste úsáideoirí an TLU.’;

(7) Cuirtear an méid seo a leanas in ionad Airteagal 12:

‘Airteagal 12

Feidhmiúlacht uathoibríche chomhthaobhachta

Déanfaidh TLUnna éascaíocht don rochtain atá ag a rannpháirtithe ar chreidmheas airgid ionlae arna urrú le comhthaobhacht trí fheidhmiúlacht uathoibríche chomhthaobhachta. Féadfaidh TLUnna a bhfuil ceadúnas baincéireachta acu creidmheas ionlae a sholáthar go díreach iad féin trí fheidhmiúlacht uathoibríche chomhthaobhachta.’;

(8) Leasaítear Airteagal 13 mar a leanas:

(a) leasaítear mír 1 mar a leanas:

(i) cuirtear an méid seo a leanas in ionad phointe (a):

‘(a) an chúis atá leis an teip socraíochta, bunaithe ar an bhfaisnéis atá ar fáil go díreach don TLU, nó bunaithe ar an bhfaisnéis a chuir a rannpháirtithe in iúl dó;’;

(ii) i bpointe (d), cuirtear pointe (vi) seo a leanas leis:

‘(vi) idirbhearta ‘ceannach agus aisdiól’ nó idirbhearta ‘díol agus aisceannach’;’;

(b) cuirtear mír 1a seo a leanas isteach:

‘1a. Ceanglóidh TLUnna ar na rannpháirtithe dá dtagraítear i réimsí 17 agus 18 de Thábla 1 in Iarscríbhinn I na príomhchúiseanna le teipeanna socraíochta agus na bearta chun aghaidh a thabhairt ar theipeanna socraíochta den sórt sin a thuairisciú dóibh ar bhonn míosúil.’;

(c) cuirtear an méid seo a leanas in ionad mhír 2:

‘2. Bunóidh TLUnna socruithe oibre leis na rannpháirtithe dá dtagraítear i réimsí 17 agus 18 de Thábla 1 in Iarscríbhinn I a bhfuil an tionchar is mó acu ar a gcórais

socraíochta urrús agus, i gcás inarb infheidhme, le CPLanna agus ionaid trádála ábhartha chun anailís a dhéanamh agus aghaidh a thabhairt, a mhéid is féidir, ar na príomhchúiseanna leis na teipeanna socraíochta.’;

- (9) Cuirtear an méid seo a leanas in ionad Airteagal 14:

‘Airteagal 14

Teipeanna socraíochta a thuairisciú

1. Cuirfidh taisclanna lárnacha urrús an fhaisnéis dá dtagraítear in Iarscríbhinn I in iúl don údarás inniúil agus do na húdaráis ábhartha, lena n-áirítear na bearta atá beartaithe nó déanta ag na taisclanna lárnacha urrús sin agus a rannpháirtithe chun feabhas a chur ar éifeachtúlacht socraíochta na gcóras socraíochta urrús a oibríonn siad. Cuirfidh siad an fhaisnéis sin in iúl ar bhonn míosúil agus faoi am scoir gnó ar an gcúigiú lá gnó den mhí dár gcionn.

Cuimseofar san fhaisnéis sin dá dtagraítear sa chéad fhomhír na luachanna ábhartha in EUR. Déanfar aon chomhshó luacha go EUR trí úsáid a bhaint as ráta malairte oifigiúil BCE an lá deireanach den tréimhse thuairiscithe, i gcás ina mbeidh an ráta malairte sin ar fáil.

Tuairisceoidh TLUnna níos minice agus cuirfidh siad faisnéis bhreise ar fáil maidir le teipeanna socraíochta i gcás ina n-iarrfaidh an t-údarás inniúil í.

2. Déanfaidh TLUnna faireachán rialta ar chur i bhfeidhm na mbeart a bheartaigh nó a rinne siad féin agus a rannpháirtithe chun feabhas a chur ar éifeachtúlacht socraíochta na gcóras socraíochta urrús a oibríonn siad agus cuirfidh siad aon toradh ábhartha a thiocfaidh as an bhfaireachán sin ar fáil don údarás inniúil agus do na húdaráis ábhartha, arna iarraidh sin dóibh.

3. Soláthróidh TLUnna an fhaisnéis dá dtagraítear i mír 1 i bhformáid chaighdeánaithe leictreonach, a bheidh struchtúrtha sa chaoi gur féidir le feidhmchláir bogearraí sonraí sonracha, lena n-áirítear ráitis aonair fíoras, agus a struchtúr inmheánach, a shainaithint, a aithint agus asbhaint go héasca.

4. Ríomhfar luach na dtreoracha socraíochta dá dtagraítear in Iarscríbhinní I agus III mar a leanas:

- (a) i gcás treoracha socraíochta in aghaidh íocaíochta, méid socraíochta na gné airgid;
- (b) i gcás treoracha socraíochta FoP, margadhluach na n-ionstraimí airgeadais dá dtagraítear in Airteagal 32(3) nó, i gcás nach mbeidh sin ar fáil, luach ainmniúil na n-ionstraimí airgeadais.’;

- (10) Cuirtear an méid seo a leanas in ionad Airteagal 23:

‘Airteagal 23

Socraíocht pháirteach a chur i bhfeidhm

1. I gcás ina mbeidh cuid de na hionstraimí airgeadais ábhartha ar fáil lena soláthar don rannpháirtí is faighteoir ar an lá gnó deireanach den tréimhse shínidh dá dtagraítear in Airteagal 7(3) de Rialachán (AE) Uimh. 909/2014, déanfaidh na comhaltaí imreítigh is faighteoir agus na comhaltaí imreítigh a bhfuil ag teip orthu, na comhaltaí ionaid trádála nó na páirtithe trádála, de réir mar is infheidhme, an treoir socraíochta tosaigh a shocrú go páirteach.

2. Ní bheidh feidhm ag mír 1 i gcás ina gcuirtear an treoir shocraíochta ábhartha ar feitheamh i gcomhréir le hAirteagal 8.’;

- (11) Leasaítear Iarscríbhinn I a ghabhann le Rialachán Tarmligthe (AE) 2018/1229 i gcomhréir le hIarscríbhinn I a ghabhann leis an Rialachán seo;
- (12) Scriostar Iarscríbhinn II a ghabhann le Rialachán Tarmligthe (AE) 2018/1229;
- (13) Leasaítear Iarscríbhinn III a ghabhann le Rialachán Tarmligthe (AE) 2018/1229 i gcomhréir le hIarscríbhinn II a ghabhann leis an Rialachán seo.

Airteagal 2

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 7 Nollaig 2026. Mar sin féin, beidh feidhm ag Airteagal 1, pointe (3)(a) a mhéid a bhaineann leis an leasú ar Airteagal 5(4), pointe (b), de Rialachán Tarmligthe (AE) 2018/1229, (8)(a)(i), (8)(b), (8)(c), (9), (11), (12) agus (13) ón 1 Iúil 2027. Beidh feidhm ag Airteagal 1, pointí (3)(b), (4), (5), (6), (7) agus pointe (10) ón 11 Deireadh Fómhair 2027.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 6.7.2026

Thar ceann an Choimisiúin
An tUachtarán
Ursula VON DER LEYEN